



Инфляциялық күтулер

Қаңтар 2024


- 2024 жылғы желтоқсанда халықтың инфляцияны күтуі төмендеді
- Тұтыну көңіл-күйі аздап түсті, дегенмен 2023 жылғы орташа көрсеткіштен жоғары

Халықтың инфляцияны күтуі

2024 жылғы қаңтарда алдағы 12 айда күтілетін инфляцияны бағалаудың медианалық мәні¹ 14,4%-ға дейін төмендеді (2023 жылғы желтоқсанда – 16,4%). Сондай-ақ, сезілетін инфляцияны бағалаудың медианалық мәні кейінгі 12 айда 16,6%-ға (18,2%) дейін төмендеді (1-график).

Сауалнама нәтижесіне сүйенсек, бір жылда баға жылдам өседі деп күтетін респонденттердің үлесі 24,7%-ға дейін төмендеді (желтоқсанда – 27,2%). Ал бағаның қазіргі өсу қарқыны сақталады деп есептейтін респонденттердің үлесі 46%-ға дейін өсті (желтоқсанда – 42%).

1-график. Инфляция және оны бағалаудың медианалық мәні, %



Дереккөз: Халықтан телефон арқылы алынған сауалнама нәтижелері, FusionLab


2024 жылғы қаңтарда азық-түлік бағасы қымбаттағанын айтқан респонденттердің үлесі өзгеріссіз қалды (80%). Ал азық-түлікке жатпайтын тауарлардың бағасы өскенін айтқандар үлесі 7%-ға дейін өсті (желтоқсанда – 6%).

Респонденттер азық-түліктен сүт және ет өнімдері, нан-тоқаш өнімдері, сондай-ақ жеміс пен көкөніс қымбаттағанын айтты. Азық-түлікке жатпайтын тауарлардан халық жуып-


тазалауға арналған химиялық өнімдер, киім-кешек пен аяқ киім, сондай-ақ дәрі-дәрмек қымбаттағанын айтып өтті. Ақылы қызметтерден респонденттер тұрғын үй-коммуналдық қызметі, интернет және ұялы байланыс қызметі, сондай-ақ медициналық қызмет алу қымбаттағанын байқаған (2-график).

2-график. Жиі аталатын тауар мен қызмет түрлері

Азық-түлік



Азық-түлікке жатпайтын тауар мен қызмет түрлері



Дереккөз: Халықтан телефон арқылы алынған сауалнама нәтижелері, FusionLab


Халықтың тұтынуға деген көңіл-күйі

2024 жылғы қаңтарда тұтыну көңіл-күйі индексі 110,7-ге дейін төмендеді (2023 жылғы желтоқсанда – 115,7), (3,4,5-графиктер). Атап айтқанда, еліміздің алдағы жылғы даму перспективалары бойынша бағалау көрсеткіші (6,3 пунктке) және 5 жылдан кейін елдің даму перспективалары бойынша бағалау көрсеткіші (11,6 пунктке) төмендеді. Бір


жылдан кейінгі жеке материалдық жағдайды бағалау көрсеткіші де төмендеді (8,1 тармаққа).

Сондай-ақ қазіргі жағдайды бағалауда қомақты ақшаға сауда жасауға жағдайдың болуы 0,2 пунктке өсті және кейінгі жылдағы жеке материалдық жағдайды бағалау мәні 0,9 пунктке өсті.


3-график. Тұтыну көңіл-күйі индексі²



4-график. Күтуді бағалау



5-график. Қазіргі жағдайды бағалау



Дереккөз: Халықтан телефон арқылы алынған сауалнама нәтижелері, FusionLab

ЕСКЕРТПЕЛЕР

¹ 2022 жылғы қаңтардағы инфляциялық күтулерді сандық бағалау/медианалық бағалау жарияланған жоқ, себебі 2022 жылғы қаңтардағы сауалнама нәтижелеріне қаңтарда елде болған оқиғалар әсер етті, бұл респонденттердің аз болуына және алдыңғы деректерден алшақтауына әкелді.

Сезілетін инфляцияның медианалық бағалауы мына сұрақ негізінде есептелген: сіздің ойыңызша, соңғы 12 айда тауарлар мен қызметтердің бағасы қаншаға өсті? Күтілетін инфляцияның медианалық бағалауы мына сұрақ нәтижелері негізінде есептелген: сіздің ойыңызша, келесі 12 айда тауарлар мен қызметтердің бағасы қаншаға өседі?

² Тұтыну көңіл-күйі индексі: жеке индекстердің орташа мәні:

- кейінгі жылдағы жеке материалдық жағдайдың өзгеруі;
- алдыңғы жылдағы жеке материалдық жағдайдың өзгеруі;
- алдыңғы жылдағы елдің даму перспективалары;
- алдыңғы 5 жылдағы елдің даму перспективалары;
- қомақты сауда жасау.

Қазіргі жағдай индексі: жеке индекстердің орташа мәні:

- кейінгі бір жылда жеке материалдық жағдайдың өзгеруі;
- қомақты сауда жасау индексі.

Тұтынушылық күтулер индексі: жеке индекстердің орташа мәні;

- алдағы жылдағы жеке материалдық жағдайдың өзгеруі;
- алдағы жылдағы елдің даму перспективалары;
- алдағы 5 жылдағы елдің даму перспективалары.

Сандық мән оң және теріс жауаптардың +100 арасындағы айырмашылығы ретінде есептелетін жауаптардың балансы. Индекс мәні 0-ден 200-ге дейін өзгеруі мүмкін. 100-ден жоғары мән оң бағалардың, 100-ден төмен теріс бағалардың басым екенін білдіреді.